



**OFFICIAL PRESS RELEASE**

14 June 2019

**PUBLIC NOTICE**  
**Fakafetongi Pa'anga Muli Ta'efakalao**

Hufanga 'i he fakatapu' ka e 'oatu 'a e fanongonongo ko 'eni'. Kuo fakaa'u mai ki he Pangikē Pule' ha ngaahi lipooti falala'anga 'oku 'i ai ha ngaahi falekoloa fakatau fakamovetemetovete 'i Tongatapu'ni pea pehē foki ki he ngaahi 'otu motu' 'oku nau fakahoko 'a e fakafetongi pa'anga muli' lolotonga ia 'oku 'ikai ke nau ma'u ha laiseni ngofua ke nau fakahoko 'a e fakafetongi pa'anga muli'. Ko ha taha kuo fakamafai'i (authorised persons) ke ne fakahoko 'a e fakafetongi pa'anga muli' kuo pau ke tomu'a foaki ange ha'ane laiseni 'e he Pangikē Pule' 'o fakatatau ki he vahe 13 kupusi'i (1) 'o e Lao ki hono Pule'i 'o e Fetongi Pa'anga Muli 2018. Ko ha taha 'oku ne fakahoko 'a e fakafetongi pa'anga muli' ka 'oku 'ikai ha'ane laiseni, 'oku ne fakahoko 'a e hia pea kuo pau ke ala mo'ua 'i ha'ane halaia ki ha mo'ua pa'anga 'oku 'ikai lahi hake 'i he \$10,000 pē ki he ngāue popula ki ha vaha'ataimi 'ikai laka hake 'i he ta'u 'e tolu pē fakatou'osi.

'Oku tuku atu ai 'a e fakatokanga'ni ki he kakai 'o e fonua' ke faka'ehi'ehi mei hano fakahoko ha fakafetongi pa'anga muli mo ha ni'hi 'oku nau fakahoko ta'efakalao 'a e fakafetongi pa'anga muli'. Te mau lau koe tokoni lahi ia ki he 'emau ngāue' ha 'a mou lipooti mai ki he Pangikē Pule' ha tokotaha pē ha kautaha 'oku ne fakahoko ha fakafetongi pa'anga muli ta'efakalao. Koe founa keke malava ai 'o tala 'oku 'osi fakamafai'i ha tokotaha ke ne fakahoko 'a e fakafetongi pa'anga', ko ho'o vakai ki he tatau 'o 'enau laiseni mei he Pangikē Pule' 'a ia 'oku fiema'u fakaha e laiseni 'i ha feitu'u mahino 'i hono feitu'u pisinisi tefito'. Ko kimoutolu kotoa pe 'oku kei fakahoko 'a e fakafetongi pa'anga muli ta'efakalao'ni, 'oku fiema'u leva ke ta'ofi 'a e ngāue ta'efakalao'ni 'i he vave taha' pea fakahū mai ha'o tohi kole ki he Pangikē Pule' ke ma'u ha'o laiseni.

Ko kinautolu pē 'eni kuo fakamafai'i ke nau fakahoko 'a e fakafetongi pa'anga muli' 'o fakatatau ki he Lao ki hono Pule'i 'o e Fetongi Pa'anga Muli 2018:

**Laiseni Kalasi A (Talafi Pa'anga mai mei Tu'apule'anga pea mo Talafi mei Tonga'ni ki Tu'apule'anga)**

1. FEXCO Tonga Limited
2. Rowena Financial Services t/a IMEX Money Transfer
3. T&T Money Transfer
4. KlickEx Trading Limited
5. S.A.V Money Transfer

**Laiseni Kalasi B (Talafi pa'anga mai pē mei Tu'apule'anga)**

1. Digicel Tonga Limited t/a Digicel Mobile Money
2. Frank Money Transfer
3. Tonga Post Limited
4. Manatu 'Ofa Money Transfer
5. Fietokoni Financial Services Limited
6. Island Flexi Transfer

**Laiseni Kalasi C (Fakafetongi Pa'anga muli pē)**

1. Jones Travel Limited

**Kautaha Fakafetongi Pa'anga Muli 'oku nau 'i he malumalu 'o e ngaahi Laiseni Fakapangikē**

1. MoneyGram Agent – Bank of South Pacific
  - a. Friendly Island Bookshops – MoneyGram Sub Agent to BSP
  - b. Va'a e LunaEva 'i Malapo – MoneyGram Sub Agent to BSP

2. MoneyGram Agent – MBf Bank Limited
3. 'Ave Pa'anga Pau – Tonga Development Bank

**Ki ha ngaahi faka'eke'eke makehe kataki 'o fakafetu'utaki ki he:**

Tafa'aki tokanga'i 'o e ngaahi kautaha fakapa'anga (Financial Institutions Department)

Pangike Pule Fakafonua 'o Tonga

Telefoni: (676) 24-057

Fax: (676) 24 201

Meili 'Elekitolonika: [nrbt@reservebank.to](mailto:nrbt@reservebank.to)

Peesi 'Initaneti: [www.reservebank.to](http://www.reservebank.to)